

ANNO DOMINI MCLXXXVII

# URBANUS III

## PONTIFEX ROMANUS

### NOTITIA HISTORICA

(MANSI, *Concil.*, XXI, col. 495)

Urbanus III, Mediolani natus, ante Lambertus nominatus, ex Mediolanensi archiepiscopo, e genere Cribellorum, statim post Lucium septimo Kalendas Decembbris defunctum, miro omnium consensu electus est in pontificem anno Domini 1185, tempore Friderici imperatoris, quem ob iteratam honorum et iurium Ecclesiae invasionem iterum excommunicasset, nisi morte prævente fuisset.

Omne suum studium ad reconciliandos Christianorum animos, qui in Syria bellis impliciti erant, convertit. Verum cum in ejusmodi prorationibus operam luderet, et Christiani principes odiis et dissensionibus intricarentur, Soldanus, pluribus locis potitus, etiam Hierosolymam suo imperio adjecit iv Kalendas Octobris, anno postquam a Godefredo recuperata fuerat, octagesimo quarto. Ad hæc, crucem Dominicam ludibrio affectam, regem Hierosolymitanum captum, et adversariorum copias versus Antiochiam directas esse intelligens, dolore percitus, in morbum incidit, ex quo Ferrarie mortuus est xiii Kal. Novembris, anno Domini 1187, cum sedisset annum i, menses ix, et dies xxv. Ita Rogerus de obitu optimi pontificis, verius et melius sentiens quam schismaticorum fautor Ursbergensis, qui dum Lucii papæ mortem retulisset, hæc suo more scribit : « Tunc cardinales qui cum ipso erant, de reditu suo plurimum sunt angustiati; timebant enim ab imperatore aliquam violentiam sibi inferri super electione Romani pontificis. Sane Mediolanensis archiepiscopus ipso secure deduxit usque Ravennam, quem et ipsi in papam elegerunt, dictusque est Urbanus III, quem multi Turbanum vocaverunt, eo quod, cum esset Mediolanensis natione, in odium imperatoris volebat turbare Ecclesiam quæ jam paulisper quietem acceperat; sed nutu Dei percussus interiit. Sedit annum unum, menses decem, dies viginti quinque. » Hæc Ursbergensis.

Hujus temporibus, anno nimirum Christi 1186, Rogerii regis Siciliæ filia (quam monialem fuisse fabulosum esse probat Baronius (1) Henrico IV, regi Germaniæ, matrimonio juncta fuit. VITERBIENSIS.

(1) Commentum de monachatu ejus fortasse inde excogitatum est, quod in monasterio asservata fuerit, ut, si regibus mascula proles defuisse, ipsa cum dote regni nubere potuisset.

### NOTITIA DIPLOMATICA.

(Philippus JAFFÉ, *Regesta Romanorum pontificeum*, p. 854.)

In Urbani III bullis reperimus sententiam banc : AD TE, DOMINE, LEVAVI ANIMAM MEAM 16, 25, 26, 28, 31, 41, 54, 59, 115, 117, 125, 134, 135, 141.

Testes subscripserunt :

ep. Albanensis.	Henricus.	a 9 Dec. 1185 ad 13 Oct.	1187
“ Ostiensis et Velletriensis.	Theobaldus.	a 9 Dec. 1185 ad 13 Oct.	1187
“ Portuensis et S. Rufinae.	Theodinus.	a 9 Dec. 1185 ad 4 Mart.	1186
“ Praenestinus.	Paulus.	a 22 Apr. 1186 ad 13 Oct.	1187
“ Sabiniensis, et archiepiscopus Mo-	Conradus.	a 11 Jan. 1186 ad 4 Mart.	1186
guntinus.	Pandulfus.	a 9 Dec. 1185 ad 2 Jul.	1187
pr. card. tit. XII Apostolorum.	Albinus.	a 16 Dec. 1185 ad 9 Aug.	1186
“ “ S. Crucis in Jerusalem.	Melior.	a 16 Dec. 1185 ad 13 Oct.	1187
“ “ SS. Joannis et Pauli tit. Pa-	Adelardus.	a 9 Dec. 1185 ad 13 Oct.	1187
machii.	Joannes.	a 16 Dec. 1185 ad 20 Sept.	1186
“ “ S. Marcelli.	Calixti.	a 16 Dec. 1185 ad 13 Oct.	1187
“ “ S. Marci.	Laborans.	a 16 Dec. 1185 ad 13 Oct.	1187
“ “ S. Mariae trans Tiberim. tit.	Petrus de Bono.	a 13 Jun. 1186 ad 13 Oct.	1187

diac. card. S. Angeli.	Boho.	a 13 Jun. 1186 ad 5 Febr.	1187
“ SS. Cosmæ et Damiani.	Gratianus.	a 9 Dec. 1185 ad 13 Oct.	1187
“ S. Georgii ad Velum Aureum.	Radulfus.	a 9 Dec. 1185 ad 13 Oct.	1187
“ S. Mariæ in Cosmidin.	Iacinthus.	a 13 Jun. 1186 ad 13 Oct.	1187
“ S. Mariæ in Porticu.	Rolandus.	a 16 Dec. 1185 ad 12 Jun.	1187
“ S. Mariæ in Via Lata.	Soffredus.	a 9 Dec. 1185 ad 5 Febr.	1187
“ S. Nicolai in Carcere Tulliano.	Petrus.	a 9 Dec. 1185 ad 13 Oct.	1187
“ SS. Sergii et Bacchi.	Octavianus.	a 13 Jun. 1186 ad 13 Oct.	1187
“ S. Theodori.	Ardicio.	a 9 Dec. 1185 ad 27 Febr.	1187
Datae bullæ sunt p. m.			
Transmundi S. R. E. notarii.		a 9 Dec. 1185 ad 13 Mart.	1186
Alberti S. R. E. presb. card. et cancellarii.		a 15 Mart. 1186 ad 13 Oct.	1187
Moysis Lateranensis canonici, vicem agentis cancellarii	40, 46, 65, 115, 125.		

## URBANI III PAPÆ EPISTOLÆ ET PRIVILEGIA.

(De libris adhibitis vide *Patr.*, t. CLXXIX, init.)

ANNO 1185.

I.

*Ecclesiæ S. Evasii Casalensis protectionem suscipit possessionesque ac privilegia confirmat.*

(Veronæ, Dec. 9.)

[DE CONTI, *Notizie Stor.*, I, 360.]

URBANUS episcopus, servus servorum Dei, dilectis filiis, præposito ecclesiæ S. Evasii de Casali, ejusque fratribus tam præsentibus quam futuris regularem vitam professis, in perpetuum.

Monet nos apostolicæ sedis, cui licet immeriti præsidemus, auctoritas pro statu omnium Ecclesiæ provida circumspectione satagere, et ne malignarum rapinis, seu molestiis exponantur, eas apostolicæ iuritionis prædio communire. Eapropter, dilecti in Domino filii, vestris justis postulationibus clementer annuimus, et præfatam ecclesiam Sancti Evasii, in qua divino estis obsequio mancipati, ad exemplar felicis record. Calixti, Paschalis, Innocentii, et Lucii Romanorum pontificum, sub beati Petri et nostra protectione suscipimus, et præsentis scripti privilegio communimus. In primis siquidem statuentes, etc. In Frascineto mansum unum et dimidium. Prohibemus etiam ne sit vobis facultas dandi prædia ecclesiastica aliquibus sacerularibus personis in feudum. Sane novalium vestrorum, etc. Liceat vobis quoque clericos, etc. Prohibemus insuper ne ulti fratum vestrorum post factam in loco vestro professionem fas sit, nisi arctioris religionis obtentu, de claustro discedere. Discedente vero, etc., ut in *bulla Lucii III pro eodem monasterio*.

Ego Urbanus Catholicæ Ecclesiæ episcopus.

Ego Theodinus Portuens. et S. Ruffinæ sedis episcopus ss.

A Ego Henricus Albanens. episcopus ss.  
Ego Theobaldus Ostiens. et Velletron. episc. ss.  
Ego Joannes presbyter card. S. Mariæ trans Tib.

Calixti ss.

Ego Pand. sola Dei permissione presb. card. xii Apost. ss.

Ego Adelardus tit. Sancti Marcelli præsb. card. ss.

Ego Audisio diac. card. Sancti Theodori subscrispi.

Ego Gratianus SS. Cosmæ et Damiani diac. card. ss.

Ego Goffredus Sanctæ Mariæ in Via Lata diac. card. ss.

Ego Petrus diac. card. Sancti Nicolai in Carcere Tulliano ss.

B Ego Radulphus S. Georgii ad Velum Aureum diac. cardin.

Datum Veronæ per manum Transmundi sacre Romanæ Ecclesiæ notarii, v Idus Decembris, ind. Incar. Dominicæ anno 1185; pontificatus vero domini Urbani pp. III anno primo.

II.

*Ad clerum et populum Spalatensem. — Significat se judicum propter vacantem archiepiscopatum Jaderensem protulisse.*

(Veronæ, Dec. 12.)

[FABLATI, *Illyricum sacrum*, IV, 245.]

URBANUS episcopus, servus servorum Dei, dilectis filiis, clero, nobili viro M. comiti et populo Spalatensi, salutem et apostolicam benedictionem.

Cum venissent ad præsentiam felicis memoriz Lucii papæ prædecessoris nostri dilecti filii B. canonicus ecclesiæ vestræ et judex, supervenit postmodum venerabilis frater noster P. archiepiscopus